

O'zbekiston Respublikasi

Xorazm viloyati

Bog'ot tumani

НОКИМИ

ҚАРОРИ



Ўзбекистон Республикаси

Хоразм вилояти

Боғот тумани

ХОКИМИ

ҚАРОРИ

220200 Богот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил 18 март

№ 570 и

Боғот шаҳарчаси

Хоразм вилоят ҳокимининг 2020 йил 14 мартдаги “Ўзбекистан Республикаси Вазирлар Маҳкамасининг 2020 йил 11 мартдаги “Ижод мактаблари ва ихтисослаштирилган мактаблар фаолиятини янада такомиллаштириш чора — тадбирлари тўғрисида”ги 141-сонли қарорининг ижроси ҳақида”ги 110қ-сонли қарорининг ижроси тўғрисида

Ўзбекистан Республикаси Вазирлар Маҳкамасининг 2020 йил 11 мартдаги “Ижод мактаблари ва ихтисослаштирилган мактаблар фаолиятини янада такомиллаштириш чора - тадбирлари тўғрисида”ги 141-сонли қарорининг ижроси юзасидан туманда ижод мактаблари ва ихтисослаштирилган мактаблар фаолиятини яхшилаш, ёш истеъдодларни янада қўллаб-қувватлаш, рағбатлантириш ҳамда ўзларига замон талабларидан келиб чиқиб, таълим ва тарбия бериш тизимини янада ривожлантириш мақсадида

ҚАРОР ҚИЛАМАН:

1. Хоразм вилоят ҳокимининг 2020 йил 14 мартдаги “Ўзбекистан Республикаси Вазирлар Маҳкамасининг 2020 йил 11 мартдаги “Ижод мактаблари ва ихтисослаштирилган мактаблар фаолиятини янада такомиллаштириш чора — тадбирлари тўғрисида”ги 141-сонли қарорининг ижроси ҳақида”ги 110қ-сон қарори раҳбарлик ва ижро учун қабул қилинсин.

2. Ўзбекистон Республикаси Вазирлар Маҳкамасининг мазкур қарори билан:

Ўзбекистан Республикаси Вазирлар Маҳкамаси ҳузуридаги Президент, ижод мактаблари ва ихтисослаштирилган мактабларни ривожлантириш агентлиги тизимидаги ижод мактаблари ва ихтисослаштирилган мактабларнинг таянч уқув режаси 1-иловага мувофиқ;

Ўзбекистан Республикаси Вазирлар Маҳкамаси ҳузуридаги Президент, ижод ва ихтисослаштирилган мактабларни ривожлантириш агентлиги тизимидаги ижод мактаблари ва ихтисослаштирилган мактабларни оталиққа

олиш ва ривожлантириш учун бириктириладиган олий таълим муассасалари, вазирликлар, идоралар ҳамда маҳаллий ижро этувчи ҳокимият органлари рўйхати 2-иловага мувофиқ тасдиқланганлиги;

ижод мактаблари ва ихтисослаштирилган мактаблар фаолиятини молиялаштириш Ўзбекистан Республикаси Давлат бюджета маблағлари, юридик ва жисмоний шахсларнинг ҳомийлик ҳайриялари ҳамда қонун ҳужжатлари билан тақиқланмаган бошқа манбалар ҳисобига амалга оширилиши;

ижод мактаблари ва ихтисослаштирилган мактабларда факультатив машғулотларни олиб бориш билан боғлиқ харажатлар Ўзбекистан Республикаси Давлат бюджети маблағлари ҳисобига қопланиши;

Ўзбекистан Республикаси Вазирлар Маҳкамасининг 2019 йил 25 мартдаги 244-сон қарори билан тасдиқланган Ўзбекистан Республикасига хориждан ишчи кучини жалб қилиш ва ундан фойдаланиш тартиби тўғрисидаги низом Агентлик тизимидаги ижод мактаблари ва ихтисослаштирилган мактабларга ҳамда ушбу мактабларда ишлаш учун жалб этиладиган ўқитувчилар ҳамда мутахассисларга нисбатан татбиқ этилмаслиги маълумот учун қабул қилинсин.

3. Хоразм вилояти ҳокимининг мазкур қарори билан:

- вилоят халқ таълими бошқармаси (Х.Бектимиров), вилоят маданият бошқармаси (Ш.Яхшибаев), Мухаммад Ризо Эрнийезбек ўғли Огахий номидаги она тили ва адабиёт фанини ҳамда хорижий тилларни чуқурлаштириб ихтисослаштирилган мактаб-интернати (С. Абдуллаев)га:

бир ҳафта муддатда вилоятдаги ижод мактаблари ва ихтисослаштирилган мактабларнинг моддий - техника базасини хатловдан ўтказиши;

ўн кун муддатда хатлов натижалари ва аниқланган камчиликларни бартараф этиш бўйича чора-тадбирлар режасини ишлаб чиқиши;

шаҳарлар, туманлар ҳокимликлари билан биргаликда ҳокимликларнинг бюджетдан ташқари ҳамда қонунчилик билан таъқиқланмаган бошқа манбалар ҳисобига ижод мактаблари ва ихтисослаштирилган мактабларнинг моддий - техника базасини такомиллаштириш учун қўшимча маблағларни жалб этиш бўйича зарур чораларни кўриши топширилганлиги маълумот ва ижро учун қабул қилинсин.

4. Туман халқ таълими бўлими (Т.Мирзаев), туман маданият бўлими (Қ.Авазматов)га:

бир ҳафта муддатда тумандаги ижод мактаблари ва ихтисослаштирилган мактабларнинг моддий - техника базасини хатловдан ўтказсин;

ўн кун муддатда хатлов натижалари ва аниқланган камчиликларни бартараф этиш бўйича чора-тадбирлар режасини ишлаб чиқсин;

5. Туман ҳокимлиги (С.Қурбонов, Ж.Болтаев, Р.Шарипов) ҳокимликнинг бюджетдан ташқари ҳамда қонунчилик билан таъқиқланмаган бошқа манбалар ҳисобига ижод мактаблари ва ихтисослаштирилган мактабларнинг моддий - техника базасини такомиллаштириш учун қўшимча

маблағларни жалб этиш бўйича зарур чораларни кўрсин.

6. Тумандаги идора ва ташкилотлар ўзлари қабул қилган норматив-хуқуқий ҳужжатларни бир ой муддатда ушбу қарорга мувофиқлаштирсинлар.

7. Мазкур қарорнинг бажарилишини назорат қилиш туман ҳокимининг ўринбосари Р.Шарипов зиммасига юклансин.

Богот тумани ҳокими



О. Холбоев